

AKASHVANI AIZAWL

REGIONAL NEWS BULLETIN

HEADLINES (EVENING)

- 1. Dampa Assembly bial bye election vote tlate naktuk a chhiar turin inbuatsaihna engkim peihfel a ni tawh.
- 2. Lai Autonomous District Council inthlanpuia chuh tum ten vawiin atang khan hming an thehlut tan.
- 3. Naktuka Bihar Assembly inthlan vote chhiar turin ruahmanna peih fel a ni tawh.
- 4. Prime Minister Narendra Modia chuan rampawna thil thawnehhuakte puihna credit quarantee scheme chuan khawvel hmundangte nena inel phak theina tur leh sumdawna tluang zawka a kal theihna tur a ni a ti.

<><><>

DAMPA COUNTING PREPAREDNESS

Dampa Assembly bial bye election vote tlate naktuk a chhiar turin inbuatsaihna engkim peihfel a ni tawh.

Dampa Assembly bial bye election tluang tak a neih zawh tak a nih hnuah naktuk zing dar 8 atangin vote tla te chhiar tan a ni dawn a, vote tla te hi Mamit DC conference hall ah dawhkan 9 ah chhiar tur a ni a, postal ballot a vote tla te chhiarna turin a hranin dawhkhan 1 ruahman a ni bawk.

EVM a vote tla te chhiar zawh a nih hnuah a in mil leh mil loh fiah nan polling station pawh chawp a VVPAT 5 te chu chhiar leh a ni dawn a ni.

Vote chhiar tur dawhkan tinah hian Counting supervisor, Counting assistant leh observer te an thu dawn a ni.

Puan tawh thin angin Dampa bial bye election ah hian EVM ah mipa vote 8921 leh Hmeichhia vote 8430 avaiin vote 17351 a tlaa, zaa 83.07 a tling a ni. Home voting kum upa 57 tan ruahman a ni a, pwd rualbanlo 5 an vaiin vote 62, EDC vote 7 leh postal ballot vote 10 atla, Service vote 14 a tla bawk a, a vaiin postal ballot ah vote 93 a tla a ni.

<><><>

TRAFFIC

Tunlaia Aizawl khawpui chhunga lirthei tawt chu traffic indaih tawk loh vang leh kumtina hunpui dawna lirthei veivak tam thin vang a ni tih Aizawl Traffic SP Pu C Vanlalvena chuan a sawi.

Akashvani News Aizawl zawhna chhangin SP chuan Bihar Assembly inthlanpuia duty tura Traffic Police 100 vel an kal ve avangin tunlai hian Aizawla Traffic duty chuan tunhma a pha lo a ti a, kawitinah te Traffic duty an awm loh avangin lirthei tlan an thunun phak loh te a awm thei a, hei vang hian traffic jam a tam thei tih a sawi a, hei bakah hian hunpui a hnaih chhoh avangin mamawh leia mihring leh lirtheia veivak a tam tih sawiin, hei hi kumtina thil thleng thin a nih thu a sawi bawk a ni.

Aizawl Traffic SP chuan mipuite chu dan zawm tha a, lirthei hun dan te, lirthei dang lehpelh chungchangahte midang vengthawng chunga tlan thin turin a chah a, Traffic Police ten theitawp an chhuah rualin mipuite Traffic hotute thawhpui tha turin a sawm a ni.

Byte: Aizawl Traffic Sp Pu C Vanlalvena

Kumin January thla atanga October thla thleng khan lirthei dan bawhchhiat avangin Traffic Police ten cheng nuai 69, sing 9, sang 5, 900 an chawitir tawh.

Aizawl Traffic SP Pu C Vanlalvena hnen atanga thudawn danin, kumin January thla atanga thla liamta October thleng khan lirthei dan bawhchhia 7,864 an man tawh a, lirthei dan bawhchhiate chu E-Challan hmang veka pawisa chawitir niin, cheng nuai 69, sing 9, sang 5, 900 an chawitir tawha. Traffichotute chuan dan bawhchhe zingah lirthei dah phal lohna, No Parking a dah vanga man an tam ber tih an sawi a, lirthei kal phal lohna No Entry a tlan, tlan lohna lam Wrong Side a tlan, lirthei tlan tikhaihlak zawnga tlan leh Driving License tel lova tlan ten an dawt a ni.

Traffic hotute chuan Taxi 3,880 hnenah sticker pekchhuah a ni tawh a, Two wheeler Taxi 3,276 hnenah sticker an pe chhuak tawh bawk a, kumin September ni 1 atanga lirthei intlanchhawka dan thar an hman chu tun thla November ni 30 thleng h,am tur a nih thu an sawi bawk a ni.

<><><>

LADC CANDIDATES

Lai Autonomous District Council inthlanpuia chuh tum ten vawiin atang khan hming an thehlut tan a,

ZPM, MNF leh Congress Party candidate bakah Independent canditate 1 in vawiin khan nomination an file, hming pe lut zawng zawng hi mi 21 an ni a, Returning Officer 3 hnenah an hming hi an thehlut a ni.

Nomination file hun hi naktuk ni 14 tlai dar 3:00 thleng hun hawn a ni.

Hetihlai hian, Lai Autonomous District Council inthlana an party candidate tur te BJP Mizoram leh Congress Party ten vawiin khan an puan belh leh a,

BJP Mizoram President Dr K Beichhua chuan an party pisa ah thla thar December ni 3-a Lai Autonomous District Council a, MDC General Election neih tura MDC bial 8- Chawngte P, M Kawnpui, Sangau East, Sangau West, Bualpui East, Bungtlang South, Sekulh, leh Sakeiluia BJP Party Official Candidate tur te a puang a. Akashvani News Aizawl zawhna chhangin, Dr K Beichhua chuan a thawhkhat nan candidate 8 te hi an puang phawt tih sawiin, naktuk hi hming thehluh hun hnuhnung ber a nih avangin tlai lamah chuan candidate puan hmabak te chu puan hman an ring a ti a. LADC inthlan lo awm turah hian Party dang nen thawhho tumna an nei lo tih a sawi bawk a ni.

Byte: Dr K Beichhua

Congress party chuan a thawh hnih nan LADC MDC General Election lo awm tur atana an party official candidate tur mi 2 te chu vawiin khan an puang bawk a.

MPCC Vice President Pu C Ngunlianchunga MLA chuan vawiin khan Lawngtlai-a Lai District Congress Committee, Hqrs. Lawngtlai-ah LADC MDC bial pahnih- Bualpui Ng East candidate turin Pu Lal lawmlova Chinzah leh Tuithumhnar Constituency candidate turin Pu H Vanlaltanpuia te ruat an nih thu a puang a, heti hian nimin lama candidate an puan tawhte nêen bial 12 -ah official candidate an nei dâwn ta a ni.

<><><>

UD& PA & PHE MOU

Urban Development & Poverty Alleviation (UD&PA) Department leh Public Health Engineering (PHE) Department-te chuan Mizorama Atal Mission for Rejuvenation and Urban Transformation (AMRUT) leh Swachh Bharat Mission (SBM) scheme kalpui dan turah thawhhona thuthlung vawiin khan an ziaak a. UD&PA Minister Pu K Sapdanga leh PHE Minister Prof. Lalnilawma te hmaah UD&PA aiawhin Pu Lalmalsawma Pachuau, Secretary leh PHED aiawhin Pi Zodingpuii-te’n an hming an ziahhnan a ni.

Pu K. Sapdanga chuan department pahnih an thawk dun thei tur chu phurawm a tih thu leh an thawhhona tur, bawlhhlawh sawngbawl-waste management chu hmasawnna tangkai tak, hriselna leh himna nena inkawp tlat a nih thu a sawi a. PHE Engineer-in-Chief atanga thu a dawn danin ni khata Aizawl khawpuiin tui a hman zat chu litre mtd 36 vel a ni a, drain mumal awm lohnaah chuan leiah a luang ral a, chu chu fura leimin a tam thin chhan pakhat a ni, a ti a. He thawhhona hi a hlawhtlin chuan khawpuia leimin venna tha tak a nih tur thu leh tuichhia chu sawngbawl a nih hnua khawpui cheimawina atana hman theih a nih thu a sawi a. Tui hmangin khawpui chu hmasawnna rahbi thar kan kaipui dawn a ni, a ti.

Minister chuan UD&PA Storm Drain Project-ah bultanna atan Aizawl khawpui tan cheng vbc 61 leh khawpui dang tan cheng vbc 42 a awm thu sawiin, Aizawl khawpui tana department pahnihte tangkawp hmachhawp hlawhtlin hun chu nghahhlelawm a tih thu a sawi bawk a ni.

Prof. Lalnilawma pawhin thusawiin he project hlawhtlinna atan hian mipuite zirtir that a pawimawh thu leh drain tha neih pawimawhzia an hriat chuan an ram chhunga drainpipe kaltlang tir duh lo leh tuichhe sawngbawl sa hman tangkai hreh an tlem a beisei thu a sawi a. Aizawl mipuite leh district danga mite’n thawhhona

hlawkna an tel ngei a beisei thu sawiin, UD&PA hotute hnenah Aizawl khawpui chhunga thal lai pawha kang ngai lo tuikhur survey list leh rainwater harvesting tank dah theihna hmun list-te chu a hlan bawk a ni.



DENGUE

Aizawl leh a chhehvelah Dengue natna a hluar mek a, kumina Dengue natna hmuhchhuah zawng zawng atangin AMC huamchhunga mi chu 975 niin, za zela 52.82 a tling a ni.

Dengue natna hluar chungchang-ah hian Health Dept hnuaia State Vector Borne Disease Control Programme chuan vawiin atanga tanin ni 2 chhung awh turin ATI Auditorium, MINECOah Aizawl Municipal Corporation (AMC) huamchhunga Local Council 87 atangin member 2 zel kokhawmin Dengue natna chungchanga inzirtirna leh invendan bakah khawtlang te nena Dengue tirem tura thawh ho dan tur sawihona hun an nei a ni.

Mizoramah kumin Jan thgla atanga Nov thleng hian Dengue natna exam zat chu 27950 niin, Dengue natna hmuhchhuah zat chu 1846 a ni a, kumin chhung hian Dengue natna avanga nunna chan 1 a awm tawh bawk.



AIR NEWS

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve ah Chanchinthar puan leh a ni ang.



MYANMAR BORDER

Mizoram leh Myanmar inrina bul khaw thenkhatah khawthalo a len avangin Siaha DC Office Chamber -ah hma lak dan tur relin DC Pu VL Hruaizela Khiangte kaihruai meeting neih a ni a,

Siaha district Chief Medical Officer, Dr. Lalrengpuii Ralte sawi danin, tun thla ni 5 khan Lomasu khuaah damlo nei tanin, Lodaw khuaah ni 11-ah damlo an awm tih hriat a ni a, tun dinhmunah Lomasu khuaah damlo 14 awmin, Lodaw khuaah damlo 4 an awm mek a, mi 3 an thi tawhy bawk a ni.

Khaw pahniha tui leh ek sample hi Zoram Medical College & Hospital-a endik turin ruahmanna siam a ni. Mipui vantlang tan hriselna lama inkaihhraina siam ni bawkin Joint VC Siaha district kaltlangin puanzar a ni bawk.

Lomasu leh Lodaw khua hi Myanmar nena inkalpawh awlsam tak niin raltlan thahnem tak an awm bakah lirthei leh ke-a lehlanga ni tin inkal pawh thin eng emaw zat an awm thu sawilan a ni bawk.



BLIND FOOTBALL

Mizo Mitdel tlangval rual, Mizoram Blind Football Team chu Greater Lion's Vision Cup 2025-ah an champion.

Siliguri, North Bengal-a inelna neih zawh takah hian, Mizoram hian final-ah West Bengal chu 3-0 in an hneh a. Inelna hi Indian Blind Football Federation hriatpuina hnuaiah Football Association for The Blind in Bengal (FABB) leh Lions Club of Siliguri Greater-te tangdunin a buatsaih a ni.

Mizoram team hi an lo haw tawh a, Mizoram Blind Sports Association (MBSA) hruaitu leh mitdel football ngaihventu thenkhat ten an lo hmuak. MBSA President Lalrampana chuan Mitdel infiamna ngaihluah ngaihventu kalkhawmte leh tlang hrang hranga mitdelte hmakhaw ngaitu Mizo mipui zawng zawng chungah lawmthu a sawi a ni.

Byte: Lalrampana, President, MBSA

Mizoram Blind Sports Association hian kum 2023 atanga mitdelte infiamna kawnga hma an la a, Womens Blind Football team te chu kum zawna champion an lo ni tawh baw k a ni.

<><><>

BIHAR

Naktuka Bihar Assembly inthlan vote chhiar turin ruahmanna peih fel a ni tawh a. Zing dar 8 atangin vote chhiar tan a ni ang.Distrcit 38 huamchhungah counting centre 46 siam a ni. Puan tawh angin Bihar Assembly inthlan hi thawhnhniha neih niin Assembly bial 243 ah inthlanna buatsaih a ni a. Candidate 2616 dinhmun hi naktukah tihchian a ni dawn a. Bihar Chief Electoral Officer Vinod Singh Gunjiyal chuan Akashvani News a hrilh danin inthlannaa hman EVM leh VVPAT te chu strong room ah venhimna khauh tak hnuaiah dah a ni a. Pu Gunjiyal-a chuan vote chhiarna tur counting centre ah te hian venhimna tha tak ruahman a ni a ti a. Central Armed Police Force leh State Police te dah an ni a. CCTV hmagna uluk taka vil reng a ni a ti baw k.

<><><>

PM

Prime Minister Narendra Modia chuan rampawna thil thawnychhuakte puihna credit quarantine scheme chuan khawvel hmundangte nena inel pha thei tur leh sumdawnna tuang zawka a kal theihna tur a ni a ti.Pu Modia chuan Union Cabinet in Export Promotion Mission a pawm chu lawmawm a tih thu sawiin ram tana intodelhna kawng pawimawh tak a ni ang a ti.

Puan tawh angina nizana Union Cabinet thukhawm chuan rampawna thil thawnychhuah ti hmasawn turin Export Promotion Mission (EPM) a pawm a. He mission atan hian cheng vaibelchhe sing 2 leh sang 5 ruahman a ni a. Union Budget 2025-26 ah khan he mission chungchang hi sawilan a ni tawh a. Rampawna thilthawnychhuah export lamah intihsiakna tha a awm theih nana ruahman niin MSME, first-time exporter leh labour-intensive sector lam tana ruahman a ni.

.

<><><>